

DECLARATION DV ROY,

219

PORTANT REGLEMENT
pour le nouveau prix donné aux Especes
d'argent legeres & rognées : Ensemble
pour l'obseruation des prix de l'or & ar-
gent employez aux ouvrages d'Orfeure-
rie. Et defenses de fondre les Monoyes,
& les transporter ny autres matieres d'or
& d'argent hors du Royaume.

*Verifiée en la Cour des Monoyes le 30. Octobre,
mil six cens quarante.*



A PARIS,
Chez SEBASTIEN CRAMOISY,
Imprimeur ordinaire du Roy, & de la
Cour des Monoyes, rue Saint
Iaques, aux Cicognes.

M. D C. X L.

1640

Avec Privilege de sa Maiefté.

11
E

THE NEWBERRY LIBRARY
CHICAGO, ILL.
1891

Case
F
39
326

1640 f + 2

THE NEWBERRY
LIBRARY

0241



LO V I S par la grace de
Dieu Roy de France & de
Nauarre. A tous ceux qui
ces presentes Lettres ver-
ront, Salut. Ayant par nos Lettres de
Declaration du dix - huietieme du
present mois, verifiées en nostre Cour
des Monoyes le vingt - quatriesme
dudit mois, ordonné entre autres
choses, Que le prix des especes d'ar-
gent legeres seroit diminué en les ex-
posant à proportion des Grains qui
manqueroient, suiuant l'eualuation
qui seroit faite de chacun Grain par
nostre Cour des Monoyes, selon le
titre & la valeur interieure de cha-
cune espece, par vn Tarif qui seroit
imprimé & publié avec ladite De-
claration, N o u s auons receu diuer-

A ij.

les plaintes de la perte que souffri-
 roient nos Sujets, en l'exposition des
 especes legeres, sur le prix de ladite
 eualuation faite à raison du titre, &
 non du cours desdites especes, & que
 d'ailleurs ce seroit vn moyen de les
 faire transporter hors de nostre
 Royaume, & aux Afineurs, Orfe-
 ures, & autres qui trauaillent d'or &
 d'argent de fondre ce qui en reste-
 roit pour l'employer au luxe, & le
 destourner de nos Monoyes, au
 moyen des billonemens, surachat,
 & suruente du Marc d'or & d'argent,
 que font continuellement lesdits
 Afineurs, Orfeures, & les loyalliers,
 Merciers, Bateurs & Tireurs d'or &
 d'argent, Graueurs, Doreurs, & au-
 tres trauaillans & trafiquans d'or &
 d'argent; & de la fabrication de
 quantité d'ouurages d'Orfeurerie, &
 de poids excessif. Pour à quoy reme-
 dier, Nos Predecesseurs de temps en

5

221

temps ont fait plusieurs & diuerſes
Ordonances, leſquelles ont eſté re-
petées és années 1554. & 1577. & nean-
moins eludées par les deſſuſdits, fau-
te d'auoir eſté punis ſelon la rigueur
d'icelles. Ce qui nous auroit obligé
d'y pouruoir par nos Lettres de De-
claration du vingtiesme Decembre
1636. veriſiées en noſtre Cour des
Monoyes le 8. Ianuier enſuiuant:
nonobſtant leſquelles le deſordre
n'a pas laiſſé de continuer ſouz diuers
pretextes. Surquoy & ſur les diuer-
ſes propoſitions qui nous ont eſté
faites par aucuns Banquiers, Mar-
chans & Negotians de noſtre bonne
Ville de Paris, pour le ſoulagement
de noſtre Peuple, facilité du Co-
merce, & pour empêcher les fontes
& transports deſdites eſpeces; Ayans
mandé & pris l'aduiſ des principaux
Officiers de noſtre dite Cour des
Monoyes, & nous eſtant fait re-

156
presenter les Ordonances faites par
les Roys nos predecesseurs, & par
nous en pareilles occurrences. SÇA-
VOIR FAISONS, que pour ces cau-
ses & autres grandes considerations
à ce nous mouuans, ayans fait mettre
cet afaire en deliberation en nostre
Conseil, où estoient aucuns Princes,
Seigneurs, & grans Personages :
Del'aduis d'iceluy, & de nostre certai-
nes science, pleine puissance & auto-
rité Royale, NOUS auons dit, de-
claré & ordonné, disons, declarons
& ordonnons par ces presentes si-
gnées de nostre main, voulons &
nous plaist, que doresnauant à co-
mencer du iour de la publication des
presentes, & atendant que nous
ayons pourueu à la fonte & conuer-
tissement desdites Monoyes d'ar-
gent legeres, toutes les especes d'ar-
gent ausquelles nous auons donné
cours par nos Letres de Declaration

du mois de Iuin 1636. seront exposées
au prix porté par ladite Declaration,
pourueu qu'elles ne soient rognées,
& ne se trouuent legeres & diminuées
de leur iuste poids, par le fray & ma-
niment d'icelles, que de six Grains
pour les pieces de vingt sols ape-
lées Quart d'escu, pour celles de
vingt-sept sols apelées Francs, pour
les Testons, & pour les Pieces estran-
geres ayans cours par ladite Declara-
tion à raison de trente sols & au des-
sus: De trois Grains pour les demies
& autres pieces Estrangeres au des-
sous de trente sols: & de deux Grains
pour les quarts desdites pieces, en-
semble pour les Testons de Lo-
raine, Chelins d'Angleterre, & au-
tres especes de plus bas prix. Et pour
le regard de celles qui se trouueront
rognées, & plus legeres qu'il n'est
specifié cy - dessus, elles n'auront
cours que pour leur poids, à raison

de vingt-cinq liures quatre sols pour
 le Marc des Quarts & demy Quarts
 d'escu ; de vingt-trois liures cinq
 sols neuf deniers , pour le Marc des
 Francs, demy , & quarts de Franc ;
 de vingt-quatre liures dix sept sols
 trois deniers, pour le Marc des Te-
 stons , & demy Testons ; de vingt-
 cinq liures quatre sols, pour le Marc
 des Reaux, demy , quarts, & demy-
 quarts d'iceux ; & les autres especes
 Estrangeres à proportion selon l'éua-
 luation & Tarif qui en sera fait par
 nostredite Cour, & imprimé en suite
 des presentes. VOV LONS aussi que le
 pris de TROIS CENS QVATRE-VINGTS
 QVATRE LIVRES par nous donné au
 Marc d'or fin, & de VINGT-CINQ LI-
 VRES au Marc d'argët le Roy, du titre
 d'onze Deniers douze Grains, par Ar-
 rest de nostre Conseil du dixiesme
 Septébre 1636. enregistré en nostre Cour
 des Monoyes le 22. dudit mois, soit
 éga-

Également gardé par les Maistres de nos Monoyes, Orfeures, & autres traueillans ou trafiquans d'or & d'argent tant nos Suiets qu'Estangers; leur faisant, & à tous autres de quelque estat qualité & condition qu'ils soient, defenses d'y contreuenir, acheter ny vendre directement ou indirectement le Marc d'or ou d'argent en masse ou lingot, en œuvre ou hors d'œuvre, à plus haut prix, sur peine de confiscation des matieres & vaisselles d'or & d'argent, de cinq cens liures d'amende contre les vendeurs, pareille amende & priuation de la Maistrise contre lesdits Orfeures, Afineurs & autres dessusdits pour la premiere fois, & de punition corporelle pour la seconde. EN IOIGNON saufs dits Maistres des Monoyes, Afineurs, & Orfeures chacun à leur esgard de faire bõ & loyal Registre & papiers ordinaires de toutes les matieres, vaisselles, & ouvrages d'or & d'argent

qu'ils acheterōt, où sera escrit la quantité, qualité & poids des ouurages & matieres qu'ils aurōt acheteés par chacun iour, pour représenter lesdits Registres & papiers quand ils en seront requis. Et pour arrester le luxe, & la trop grande superfluité des ouurages d'or & d'argent qui est auiourdhuy en nostre Royaume, A V O N S aussi fait & faisons tres-expresses inhibitions & defenses à tous les Orfeures tant de Paris que des autres Villes de nostre Royaume, de faire à l'auenir aucuns ouurages d'or excédans le poids de quatre onces, & d'argent excédant six Marcs, pour vne seule persone de quelque qualité & conditiō qu'elle soit, sans en auoir permission par nos Lettres patentes sellées de nostre grand sceau, & registrées en nostre Cour des Monoyes, à peine de confiscation desdits ouurages, de cinq cens liures d'amende contre lesdits Orfeures, & closture de leurs Bou-

tiques pour la premiere fois, & punition corporelle en cas de recidiue; lesquelles seront expédiées, scellées gratuitement, & registrées sans aucuns frais, ny droits de Greffe. V O U L O N S suiuant nos anciènes Ordonances sur le fait de l'Orfeurerie que tous les Orfeures de nostre Royaume soient tenus de vendre l'or & l'argent de leurs ouvrages separément de leurs façons, & leurs façons à part, & à cette fin qu'ils bailleront bordereaux signez d'eux contenant le pris de l'or & de l'argent des ouvrages par eux vendus & liurez, & de la façon de chacune piece. V O U L O N S que le Reglement qui a esté fait par nostredite Cour des Monoyes le huitiesme iour d'Aoust 1637. soit publié & enregistré en la Chambre commune dudit mestier, & executé de point en point selon sa forme & teneur, & que chacun desdits Orfeures ayt en lieu eminent dans sa boutique

vn tableau où seront escrites les valeurs des Marcs d'or & d'argent, à ce que nos Suiets en ayent conoissance, & ne puissent estre surpris ny deceus. Et pour ce que nous sommes bien aduertis que la premiere & principale cause du surhaussement du prix de l'or & de l'argent prouient desdits Afineurs, par l'encherissement & suruente aux Orfeures, & autres de l'argent par eux afiné; & au moyen de la soustraction & fontes qu'ils font dans leurs maisons priuées des matieres destinées à la fabrication de nos Monoyes; ce qui en cause entierement la ruine, quoy qu'ils n'ayent esté originairement institués que pour le traual & l'auancement d'icelles: N o u s voulons qu'ils soient tenus & contrains d'aller faire leurs fontes, affinages & departs dans les Hostels de nos Monoyes, où nous voulons que les Fourneaux & Afinoires qui y sont de toute antiquité soient

restablies & rebasties le plus promptement que faire se pourra, & les reparations d'icelles baillées au rabais & moins-disans en nostredite Cour des Monoyes, & les deniers qu'il conuiendra pour cét effet fournis par les Tresoriers de nostre Espargne és mains de nos Receueurs generaux des boëttes, pour estre employez ausdites reparations. Et pour la conseruation de l'or & de l'argent en nostre Royaume, Nous faisons tres-expresses inhibitions & defenses à tous nos Suiets, regnicoles & estrangers de transporter hors nostredit Royaume aucun or ou argent monoyé ou non monoyé, ny autres ouurages d'Orfeurerie, sur peine de confiscation des matieres & marchandises & autres choses qui se trouueront embalées avec lesdites matieres & ouurages d'or & d'argent, charettes, harnois & cheuaux, de cinq cens liures d'amende, & de punition corporelle. V o v-

200
LONS que toutes nos Ordonances sur le fait de nos Monoyes, & celles du mois de Mars 1554. & Decembre 1636. pour le reglemēt de l'Orfeurerie, soient exactement gardées & obseruées selon leur forme & teneur, fors & excepté pour l'estimation de la façon des ouurages d'Orfeurerie, nonobstāt toutes Declarations & Arrests que lesdits Orfeures & autres Artisans pourroient auoir obtenu au contraire, lesquels nous auons reuoké par ces presentes, & voulons que de toutes les contrauētions qui seront faites à nosdites Ordonances & ces presentes pour le fait de nosdites Monoyes, Orfeures, Affineurs, & leurs mestiers, & tout ce qui concerne le trafic & employ d'or & d'argent, il soit informé à la requeste de nostre Procureur general en ladite Cour par les Deputez d'icelle, Generaux Prouinciaux, & Gardes de nos Monoyes, pour estre les procès faits

& parfaits iusqu'à sentence definitive
inclusiuement , nonobstant opposi-
tions ou appellations quelconques que
nous voulons estre releuées en nostre-
dite Cour des Monoyes , à laquelle,
entant que de besoin , Nous en auons
attribué toute Cour , iurisdiction &
conoissance, ensemble de toutes les
contrauentions & diferens qui nai-
stront en execution de ces Presentes ;
& icelle interdite à toutes nos Cours
de Parlement, & autres Iuges quelcon-
ques : luy enioignant de faire executer
nostdites Ordonances, sans se depar-
tir ny dispenser de la rigueur des pei-
nes y contenuës , ny aucunement y
déroger : ce qui ne pourra estre fait
que par Nous, apres auoir ouy les Of-
ciers de nostredite Cour. SI DONONS
en man dement à nosamez & feaus les
Gens tenans nostre Cour des Mo-
noyes , que nonobstant le temps des
Vacations, ils ayent à faire lire, publier

& registrer ces Presétes, & le cōtenu en icelles obseruer & entretenir par tous nos Suiets de quelque condition qu'ils soient, sans souffrir ou permettre qu'il y soit contreuenue en quelque sorte & maniere que ce soit. EN IOIGNANT à nostre Procureur general & ses Substituts en nos Monoyes d'y tenir la main, & de certifier nostredite Cour de leurs diligences & poursuites. ET dautant que de ces presentes l'on pourra auoir afaire en plusieurs & diuers endroits, Nous voulons qu'au vidimus d'icelles fait par l'un de nos amez & feaus Conseillers & Secretaires, ou par le Greffier en chef de nostre-dite Cour des Monoyes, foy soit adioustée comme au present original, nonobstant aussi tous Edits, Ordonances, Declarations & Arrests, soit de nostre Conseil ou de nos Parlemens, & autres Lettres contraires, auxquelles quāt à ce & aux dérogoires des dérogoires

gatoires y contenuës nous auons dérogé & dérogeons par ces présentes:

CAR TEL EST NOSTRE PLAISIR. En tefmoin dequoy nous auons fait mettre nostre Seel à celsdites Presentes. Données à Versailles le vingt-neufiesme iour d'Octobre l'an de grace mil six cens quarante, & de nostre regne le trente-vn. Signé LOVIS. Et plus bas, Par le Roy, DELOMENIE. Et sellées du grand Seau de cire iaune sur double queuë.


Et plus bas est encore escrit:

Léuës & registrées, ouïy & ce requerrant Cartays Aduocat general pour le Procureur general du Roy, pour estre executées selon leur forme & teneur, suivant l'Arrest de ce iour d'huy. A Paris ce trentième Octobre 1640.

Signé,

DE LAISTRE.

C.



EXTRAICT DES REGISTRES
de la Cour des Monnoyes.




VE v par la Cour les Lettres
 Patentes du Roy en forme
 de Declaration, données à
 Versailles le 29. du present
 mois, signées, LOVIS, &
 plus bas, Par le Roy, D E L O M E N I E, &
 seellées de cireiaune du grād Seclsur dou-
 ble queuë; Portant entre autres choses,
 Reglement pour le nouveau prix donné
 aux Espèces d'argent legeres & rognées,
 en attendant qu'il ayt esté pourueu à la
 fonte & conuerrissement desdites Mon-
 noyes legeres: Ensemble pour l'obserua-
 tion des prix de l'or & argent qui s'em-
 ploient aux ouurages d'Orfeurerie, avec
 defenses aux Orfeures de faire aucuns
 ouurages d'or & d'argent exceedans pour
 l'or le poids de quatre Onces, & l'argēt de
 six Marcs; & de fondre les Monnoyes &
 les transporter, ne autres matieres d'or &
 d'argent hors du Royaume: Ainsi que

plus au long est contenu en ladite Declaration : Conclusions de Cartays Aduocat general , pour le Procureur general : Tout considéré. LA COUR a ordonné & ordonne que sur le reply desdites Lettres en forme de Declaration sera mis , qu'elles ont esté leuës & registrées és Registres de ladite Cour : Oüy , & ce requerant ledit Aduocat general , & qu'elles seront leuës & publiées à son de Trompe & cry public , & affiches mises és Carrefours & lieux publics & accoustumez de cette Ville de Paris ; Et copies collationnées par le Greffier de ladite Cour , par luy enuoyées par les Prouinces de ce Royaume, tât aux Generaux Prouinciaux des Monnoyes , qu'aux Iuges & Gardes d'icelles , Baillifs, Seneschaux, Preuosts & autres Iuges de cedit Royaume , pour estre pareillement leuës & publiées , & tenir la main à l'exécution & entretenement du contenu en ladite Declaration , lesquels seront tenus certifier la Cour de leurs diligences au mois. FAIT en la Cour des Monnoyes le 30. Octobre 1640.

Signé, DELAISTRE.

Cij



EVALVATION OV TARIF

du prix du Marc & diminutions des
 Pieces d'argent legeres & rongnées
 mentionnées es Declarations du Roy,
 du mois de Iuin 1636. & 29. Octobre
 1640. & Arrests de la Cour des Mon-
 noyes des audit an 1636. & 30.
 dudit mois d'Octobre.

Pieces cy-deuant appellées Quarts d'escus.

Le Marc vaut 25. l. 4. s.
 L'Ounce, 3. l. 3. s.
 Le Gros, 7. s. 10. den. ob.
 Le Denier, 2. s. 7. d. ob.
 Le Grain, 1. d. pite $\frac{1}{16}$ de den.

Testons.

Le Marc vaut 24. l. 17. s. 3. den.
 L'Ounce, 3. l. 2. s. 1. d. ob. p. $\frac{1}{8}$ de d.
 Le Gros, 7. s. 9. d. semip. $\frac{1}{4}$ de d.
 Le Denier, 2. s. 7. d. $\frac{1}{16}$ de d.
 Le Grain, 1. d. p. $\frac{207}{4608}$ de d.

Francs.

Le Marc vaut	23.l. 5.s. 9.d.
L'Once,	2.l. 18.s. 2.d. ob. $\frac{1}{2}$ de d.
Le Gros,	7.s. 3.d. p. $\frac{1}{2}$ de d.
Le Denier,	2.s. 5.d. $\frac{1}{2}$ de d.
Le Grain,	1.d. semip. $\frac{45}{12}$ de d.

ESPECES D'ARGENT ESTRANGERES.

Reales d'Espagne.

Le Marc vaut	25.l. 4.s.
L'Once,	3.l. 3.s.
Le Gros,	7.s. 10.d. ob.
Le Denier,	2.s. 7.d. ob.
Le grain,	1.d. pite $\frac{1}{4}$

*Ducats de Milan, Florence, Sauoye,
Venise, & Parme.*

Le Marc vaut	25.l. 14.s. 6.d.
L'Once,	3.l. 4.s. 3.d. ob. p.
Le Gros,	8.s. pite $\frac{7}{32}$
Le Denier,	2.s. 8.d. $\frac{5}{32}$
Le Grain,	1.d. p. $\frac{23}{64}$

Ducats de Flandres.

Le Marc vault	24. l. 7. f. 6. d.
L'Once,	3. l. 11. d. p.
Le Gros,	7. f. 7. d. $\frac{13}{32}$
Le Denier,	2. f. 6. d. $\frac{15}{32}$
Le Grain,	1. d. p.

Ducats d'Auignon.

Le Marc vault	24. l. 8. f. 3. d.
L'Once,	3. l. 1. f. pite demy-pite.
Le Gros,	7. f. 7. d. ob. $\frac{3}{64}$
Le Denier,	2. f. 6. d. ob. $\frac{1}{64}$
Le Grain,	1. d. pite $\frac{11}{128}$

Philippes-dalles de Flandres.

Le Marc vault	21. l. 8. f. 6. d.
L'Once,	2. l. 13. f. 6. d. ob. pite.
Le Gros,	6. f. 8. d. pite $\frac{1}{8}$
Le Denier,	2. f. 2. d. ob. pite $\frac{1}{32}$
Le Grain,	1. d. $\frac{367}{4304}$

Patagons de Flandres.

Le Marc vaut	21. l. 12. f.
L'Once,	2. l. 14. f.
Le Gros,	6. f. 9. d.
Le Denier,	2. f. 3. d.
Le Grain,	1. d. semip.

Pieces des Prouinces vnies, Dalles au Lyon.

Le Marc vaut	17. l. 2. f.
L'Once,	2. l. 2. f. 9. d.
Le Gros,	5. f. 4. d. demy pite.
Le Denier,	1. f. 9. d. pite, demy p.
Le Grain,	obole, pite $\frac{1}{6}$

Pieces de Zelande à l'Aigle.

Le Marc vaut	18. l. 7. f. 6. d.
L'Once,	2. l. 5. f. 10. d.
Le Gros,	5. f. 8. d. $\frac{3}{4}$ ob. pite.
Le Denier,	1. f. 10. d. $\frac{11}{12}$ ob. pite $\frac{1}{2}$
Le Grain,	ob. pite $\frac{52}{72}$ de den.

Pieces de Frize dittes Gros Bonnet.

Le Marc vaut	20. l. 4. f.
L'Once,	2. l. 10. f. 6. d.
Le Gros,	6. f. 3. d. $\frac{1}{2}$ obole, pite.
Le Denier,	2. f. 1. d. $\frac{1}{4}$ pite.
Le Grain,	1. d. $\frac{15}{288}$

Pieces de Liege non contrefaites.

Le Marc vaut	18. l. 18. f.
L'Once,	2. l. 7. f. 3. d.
Le Gros,	5. f. 10. d. $\frac{7}{8}$ ob. p. semyp.
Le Denier,	2. f. 1. d. $\frac{1}{2}$ ob. demyp.
Le Grain,	obole, pite, semyp. $\frac{63}{72}$

Dalles de l'Empire.

Le Marc vaut	22. l. 13. f. 9. d.
L'Once,	2. l. 16. f. 7. d. ob.
Le Gros,	7. f. ob. pite, $\frac{3}{16}$
Le Denier,	2. f. 3. d. pite, $\frac{1}{48}$
Le Grain,	1. d. $\frac{23}{68}$

Testons

Testons d'Orange.

Le Marc vaut,	20. l. 8. f. 9. d.
L'Once,	2. l. 11. f. 1. d. semip.
Le Gros,	6. f. 4. d. ob. $\frac{2}{64}$
Le Denier,	2. f. 1. d. ob. $\frac{3}{64}$
Le Grain,	1. d. $\frac{13}{512}$

Testons d'Antoine & Charles de Lorraine.

Le Marc vaut,	22. l. 10. f.
L'Once,	2. l. 16. f. 3. d.
Le Gros,	7. f. pite, demy p.
Le Denier,	2. f. 4. d. pite, semip.
Le Grain,	1. d. $\frac{11}{64}$

Testons d'Henry & Charles de Lorraine, & ceux de Metz.

Le Marc vaut,	19. l.
L'Once,	2. l. 7. f. 6. d.
Le Gros,	5. f. 11. d. $\frac{1}{40}$ pite.
Le Denier,	1. f. 11. d. $\frac{1}{4}$ ob. p.
Le Grain,	ob. pite $\frac{25}{128}$

Testons au moulin de Lorraine.


Le Marc vaut,	19 l. 4. s. 9. d.
L'Once,	2. l. 5. s. 1. d. $\frac{1}{8}$ demy pite.
Le Gros,	6. s. $\frac{17}{64}$ de d. $\frac{5}{64}$ obole
Le Denier,	2. s. $\frac{3}{64}$ de d.
Le Grain,	1. d. $\frac{1}{312}$

Testons de Dole.

Le Marc vaut,	18. l. 5. s. 6. d.
L'Once,	2. l. 5. s. 8. d. $\frac{1}{8}$ pite.
Le Gros,	5. s. 8. d. $\frac{17}{32}$ ob. $\frac{1}{32}$
Le Denier,	1. s. 10. d. $\frac{17}{32}$ ob. $\frac{1}{32}$
Le Grain,	obole, pite, semipit. $\frac{1}{576}$

Testons de Besançon.

Le Marc vaut,	18. l. 18. s.
L'Once,	2. l. 7. s. 3. d.
Le Gros,	5. s. 10. d. ob. p. demy p.
Le Denier,	2. s. 1. d. $\frac{5}{8}$ ob. demy p.
Le Grain,	ob. pite, semip. $\frac{63}{72}$



PRIX ET VALEUR DE L'OR
*dont travaillent les Orfeures, & qu'ils
 employent en leurs ouvrages.*

Le Marc,	352. l.
L'Once,	44. l.
Le Gros,	5. l. 10. s.
L'Estelin,	2. l. 4. s.
Le Denier,	1. l. 16. s. 8. d.
Le Felin,	11. s.
Le Grain,	1. s. 6. d. $\frac{1}{2}$

ENSVIT LA VALEUR ET LE
*prix que l'on doit payer de l'argent à onze
 deniers douze grains, tant en Masse, que
 pour tous les ouvrages d'Orfeurerie.*

Le Marc,	25. l.
L'Once,	3. l. 2. s. 6. d.
Le Gros,	7. s. 9. d. $\frac{3}{4}$
Le demy Gros,	3. s. 10. d. $\frac{1}{2}$
Le Denier,	2. s. 7. d. $\frac{1}{4}$
Le Grain,	1. d. $\frac{19}{96}$

D ij

L'an mil six cens quarante le Maydy 30.
 Octobre, la Declaration du Roy cy-dessus, por-
 tant Reglement pour le nouveau prix donné
 aux Espèces d'Argent legeres & rognées, &c. a
 esté leuë & publiée à son de trompe & cry public
 aux carrefours & autres lieux tant ordinaires
 qu'extraordinaires de cette ville & faux-
 bourgs de Paris, en la presence de nous Iean
 Gerin premier Huissier en ladite Cour des
 Monnoyes, Jacques Blondel, & Michel Re-
 bours, Huissiers en icelle sous-signez, par Iean
 Iossier Iuré Crieur en ladite Ville, Preuosté &
 Vicomté de Paris, accompagné de trois Trom-
 pettes, commis de Pierre Gilbert, Gentian le
 Chable, & Noiret Iurez Trompettes du Roy
 esdits lieux; comme aussi a esté ladite Decla-
 ration affichée par nous en tous les lieux accou-
 stumez de ladite ville & faux-bourgs de Pa-
 ris, à ce qu'aucun n'en pretende cause d'igno-
 rance. Signé Gerin, Blondel & Rebours.

Collationné aux Originaux par moy Conseil-
 ler & Secrétaire du Roy, Maison & Cou-
 ronne de France & de ses Finances, Greffier
 en chef de la Cour des Monnoyes.

*INSTRVCTION POUR LA
connoissance du Marc, & des poids
qui le composent.*

LE Marc est composé de huit Onces
en huit poids.

Le premier qui est la boëtte, peze quatre
Onces autant que les sept autres.

Le deuxiesme, deux Onces autant que les
six.

Le troisieme, vne Once autant que les
cinq.

Le quatrieme, demy-Once autant que les
quatre.

Le cinquiesme, deux Gros autant que les
trois.

Le sixiesme, vn Gros autant que les deux.

Le septiesme demy Gros autant que le huit.

L'Once est composé de huit Gros.

La demie Once de quatre Gros.

Le Gros est composé de trois deniers, qui
font soixante & douze Grains.

Le demy Gros de trente-six Grains.

Le Denier de vingt-quatre Grains.

D iij

Extrait du Privilege du Roy.

PAR Grace & Priuilege du Roy, il est permis à SEBASTIEN CRAMOISY, Imprimeur ordinaire du Roy en sa Cour des Monoyes, d'imprimer tous les Edits, Ordonances, Reglemens, Arrests & toutes autres choses concernans le fait des Monoyes; faisant defences à toutes personnes de quelque estat, qualité & condition qu'elles soient, d'imprimer ou faire imprimer aucunes choses concernans le fait des Monoyes, à peine de confiscation de tout ce qui se trouuera auoir esté imprimé, de tous despens, dommages & interests, & d'amende arbitraire, comme il est porté par ledit Priuilege. Donnée à Lyon le vingt-cinquiemesme iour de Iuillet, mil six cens vingt-neuf. Signé, Par le Roy en son Conseil, POITEVIN. Et seellé du grand seel sur simple queue en cire iaune.

*EXTRAICT DES REGISTRES
de la Cour des Monnoyes. 234*

ENTRE Sebastien Cramoisy, Marchand Libraire Iuré en l'Vniuersité de Paris, & seul Imprimeur du Roy pour le fait des Monnoyes, demandeur aux fins de l'exploict du vingt-huictiesme Iuillet mil six cens trente-six, tendant à ce que les exemplaires de la Declaration de sa Maiesté, & nouveau Reglement sur le fait des Monnoyes, ensemble les figures & portraits desdites Monnoyes empraintes sur les Declarations saisies sur le defendeur cy apres nommé, soient confisquez au profit du demandeur, & pour la contrauention faite par ledit defendeur ausdits Edicts, Lettres Patentes du Roy, & Arrest de ladite Cour, ledit defendeur soit condamné en trois mil liures d'amende applicable au profit dudit demandeur en tous ses despens, dommages & interests, mesme en ceux reseruez par l'Arrest du Conseil Priué du Roy du 26. Octobre dernier, d'une part. Et Anthonine Cheuillot Imprimeur du Roy, demeurant à Troyes, defendeur d'autre; Et encore le Procureur general du Roy en ladite Cour, interuenant d'autre part. Apres que Lambin Aduocat pour le demandeur, & Martin pour le defendeur, ensemble du Quir pour le Procureur general ont esté ouys: **LA COUR** a déclaré & declare la saisie faite sur le defendeur à la requeste du demandeur, des feüilles, exemplaires, figures, portraits, & bois, bonne & vallable, ordonne qu'elles demeureront confisquées au profit du demandeur, & à la representation d'iceux seront les gardiens cōtraints par toutes voyes deuës & raisonnables, mesme par emprisonnement de leurs personnes, comme depositaires de biens de Iustice, quoy faisant demeureront déchargez; a fait & fait inhibitions & defences audit defendeur contreuenir ny entreprendre sur le droict dudit Cramoisy, ny imprimer à l'aduenir aucune chose concernant le fait des Monnoyes, ny mesme contrefaire aux imprimez par le demandeur, sur les peines portées par l'Ordonnance, & condamne le defendeur aux dommages & interests enuers le demandeur, & en tous les despens, mesmes ceux reseruez par l'Arrest du Conseil. **FAICT** en la Cour des Monnoyes, le quatriesme May mil six cens trente-huict.
DILASTRE,

